

Održana radionica za novinare o alternativnom načinu rješavanja sudskih sporova

Medijacijom riješeno 208 predmeta u BiH

N. MORAČA

SARAJEVO - Medijacijom je za 18 mjeseci, koliko se i primjenjuje u BiH, riješeno 208 predmeta iz oblasti privrednih sporova, izjavio je Aleksandar Živanović, član Upravnog odbora Udruženja medijatora u BiH.


Dodaje kako je tako medijacijom (alternativnim načinom rješavanja sudskih sporova) oslobođeno 13 miliona KM.

Živanović je na jednodnevnoj radionici za novinare održanoj u subotu na Bjelašnici istakao da medijacija polako krči svoj put u BiH, ali da javnost još nije dovoljno upoznata sa onim što ona donosi.

Prednosti medijacije u odnosu na sudski spor su, kako kaže Živanović, mnogostruke.

Dok sudski sporovi mogu trajati i po nekoliko godina medijacijom se sporovi završavaju u prosjeku za tri časa. Bitan element je što u medijaciji dvije suprotstavljene strane kroz zajednički razgovor dolaze do rješenja. Na sudu niti jedna strana ne mora biti zadovoljna, jer je odluka na trećoj osobi, ali u medijaciji je taj slučaj obrnut. Još jedan bitan segment koji medijaciju čini specifičnom u odnosu na sudski spor jeste i da sve informacije iznesene tokom medijacije ostaju povjerljive.

Živanović ističe kako je Udruženje medijatora u BiH osnovano 2002. godine u Tuzli, da bi nakon dvije godine u banjolučkom Osnovnom sudu bio pokrenut i pilot projekat uvođenja medijacije u sudove BiH. S obzirom na pozitivne rezultate iz



Radionica održana na Bjelašnici

Dok sudski sporovi mogu trajati i po nekoliko godina, medijacijom se sporovi završavaju u prosjeku za tri časa

Banje Luke medijacija je ove godine uvedena i pri Općinskom sudu u Sarajevu.

I dok se u svijetu medijacijom rješavaju predmeti iz raznih oblasti pravosuđa u BiH su najzas-

tupljeniji privredni sporovi. Živanović, međutim, očekuje da će medijacija imati veliku ulogu kada se budu rješavali predmeti iz oblasti maloljetničke delinkvencije.